

EW NAMOPUNG

Awora ukukun \$243,000 seni ewe Monienapen ewe Muun Chuuk ren ewe Fiscal Year epwe muchuno non September 30, 1991, fan iten niwinin fuel ren an Weno ewe tengkia, me pwan ren ekkoch popun.

EPWE PUNG SENI EWE ANEEPUNGUN CHUUK:

1 Tetten 1. Iei a kawor ukukun \$243,000 ika fite me
2 non ena ukukun mi tongeni naf seni ewe Monienapen ewe Muun
3 Chuuk ren ewe Fiscal Year epwe muchuno September 30, 1991,
4 ren fan asengesin niwinin fuel ren an ewe tengkia won
5 Weno. Meinisin ei ukukun epwe kawor seni non ewe General
6 Fund, fan iten niwinin fuel ren an Weno we tengkia tori
7 August 31, 1991.

8 Tetten 2. Ewe ukukun a kawor non Tetten 1 epwe tumun
9 me ren pwan no ngeni Kepina ewe epwe wisen tumunu ngeni
10 ewe Legislature ren an epwe ferochu an ei moni epwe chok
11 nounou ngeni ewe popun mei affat non Tetten 1, pwan fiti
12 pungun ewe State Financial Management Act, iwe esap wor
13 och moni tou epwe nap seni ewe ukukun mi kawor. Ewe
14 nussun moni mi kawor non ei Annuk epwe eniwinsefan ngeni
15 ewe Monienapen Muun Chuuk ika pwe ese nounou non seponon
16 ei fiscal year.


17 Tetten 3. Ewe Kepina epwe awora an report ngeni ewe
18 Legislature me mwen September 15, 1991, epwe:

19 1) Awora tichikin porausen nounoun ewe moni
20 mi wor ngeni ewe moni mi kawor non Tetten 1, iwe
21 epwe affat nonomun ewe moni non September 1, 1991;
22 pwan


2) Pwarata met atooten an ewe nussun moni
 epwe nounou non ewe fansoun pekinon September 1,
 1991, nge och sopusopun reportun tichikin nounoun
 ewe moni epwe katonong ren Legislature ika ew
 committee mei weneiti nefinen 20 ran murin soponon ei
 fiscal year.

Tetten 4. Ei Namopung epwe poputa pochokunan
 nupwen chok an a kapunguno seni ewe Kepina, ika atun chok
 an a winiti annuk won winikapan nge esemwo kapunguno.

Sain seni:


 Kisande K. Sos, Speaker
 Utten Representatives
 Aneepungun Chuuk


Annetata:


 Herter Sorim, Chief Clerk
 Utten Representatives
 Aneepungun Chuuk

Pwinin maram:

July 17, 1991

Sain seni:


 Ira E. Akapito, President
 Senate
 Aneepungun Chuuk

Annetata:


 Datasi Albert, Chief Clerk
 Senate
 Aneepungun Chuuk

Pwinin maram:

July 17, 1991

Kapunguno seni:


 Sasao H. Goulardi, Kepina
 Muun Chuuk

Pwinin maram:

7/17/91

Uruwon: H.B. No. 1-239; H.D.1; S.D.2
 S.S.C.R. No. 2-2-3